



Na osnovu člana 15. stav1. tačka 2. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09) i člana 107 Statuta općine Ilijaš – prečišćeni tekst ("Službene novine Kantona Sarajevo", broj 20/09) - Općinski načelnik donosi:

O D L U K U

o uslovima, kriterijima i načinu dodjele novčane pomoći u participiranju liječenja teško oboljelih lica sa područja općine Ilijaš

Član 1.

Ovom Odlukom utvrđuju se uslovi, kriteriji i način dodjele novčane pomoći u participaciji liječenja teško oboljelih lica sa područja općine Ilijaš i druga pitanja od značaja za dodjelu ove vrste pomoći.

Član 2.

Pravo na jednokratnu pomoć za liječenje mogu ostvariti lica čije je prebivalište na općini Ilijaš najmanje 2 (dvije) godine do dana podnošenja zahtjeva ili imaju boravište po osnovu statusa raseljenih lica na općini Ilijaš i to:

- pomoć u sufinansiranju banjskog liječenja na osnovu preporuke nadležne zdravstvene ustanove i participacije Zavoda zdravstvenog osiguranja
- pomoć u sufinansiranju nabavke ortopedskog pomagala na osnovu preporuke nadležne zdravstvene ustanove i participacije Zavoda zdravstvenog osiguranja
- pomoć u sufinansiranju operativnog zahvata na jednoj od zdravstvenih ustanova u Bosni i Hercegovini
- pomoć za kupovinu lijekova koji se ne nalaze na esencijalnoj listi lijekova, a na osnovu preporuke ljekara specijaliste ili konzilija i predračuna iz apoteke
- za participiranje u troškovima liječenja ili operativnog zahvata u inostranstvu, a na osnovu preporuke nadležne medicinske ustanove.

Član 3.

Zahtjev za dodjelu novčane pomoći po ovoj Odluci podnosi se Komisiji za rješavanje zahtjeva za dodjelu novčane pomoći teško oboljelih lica sa područja općine Ilijaš (u daljem tekstu: Komisija), putem protokola općine.

Član 4.

Komisija ima pet članova, od čega su četiri ljekari različitih specijalnosti, dok je peti član predstavnik općine – uposlenik Službe za boračko-invalidsku zaštitu, socijalnu zaštitu i raseljena lica.

Komisiju imenuje Općinski načelnik, na prijedlog JU "Dom Zdravlja Kantona Sarajevo" i nadležne Službe.

Naknada za rad u Komisiji plaćat će se u skladu sa Odlukom o visini paušalnih iznosa naknada članovima komisija OV Ilijaš.

Stručne i administrativno-tehničke poslove za potrebe Komisije obavljat će član Komisije ispred Službe za boračko-invalidsku zaštitu, socijalnu zaštitu i raseljena lica.

Član 5.

Komisija će podnesene zahtjeve rješavati po hronološkom redu.

U izuzetnim slučajevima, a zbog težine bolesti i hitnost liječenja, Komisija će podnesene zahtjeve rješavati mimo procedure utvrđene stavom 1. ovog člana Odluke.

Član 6.

Novčana pomoć po ovoj Odluci ne može biti manja od 300,00 KM niti veća od 6.000,00 KM i može istom licu biti dodjeljena samo jednom u toku kalendarske godine

Komisija će u svakom konkretnom slučaju iznos novčanih sredstava utvrditi na osnovu težine i prirode bolesti, visine sredstava potrebnih za liječenje, hitnosti slučaja i socijalno-materijalnog statusa podnosioca zahtjeva.

Komisija će prilikom utvrđivanja iznosa odobrenih novčanih sredstava kao poseban kriterij cijeniti činjenicu da li se zahtjev za pomoć podnosi prvi puta, kao i kriterij da li je podnosilac zahtjeva već ostvario pomoć po tom pitanju kod nekog drugog organa ili institucije.

Član 7.

Prilikom utvrđivanja prijedloga za odobrenje sredstava, Komisija je dužna da se pridržava i vodi računa o odobrenim i raspoloživim budžetskim sredstvima za ovu namjenu i odredbama Odluke o izvršavanju Budžeta za tekuću godinu.

Na prijedlog Komisije, Odluku o isplati sredstava donosi Općinski načelnik.

Član 8.

Odobrena sredstva će se transferisati na žiro račun podnosioca zahtjeva, putem Službe za privredu, finansije i investicije općine Ilijaš.

Član 9.

Ova Odluka stupa na snagu danom objavljivanja u Službenim novinama Kantona Sarajevo.

Broj:03/1-35-547/17
Ilijaš:24.03.2017. godine



OPĆINSKI NAČELNIK

Akif Fazlić
Akif Fazlić, dipl. ecc.